

 Odgajan da mrzi Arape, islam i muslimane, mladi Amerikanac je, nakon susreta sa muslimankom u hidžabu – prihvatio Islam. – Odrastao sam u Tacomi, nikad nisam vidio muslimana, – kazao je Carlos Sandoval za The Bellingham Herald.

– Za mene u to vrijeme – Arape, islam, musliman – sve je bilo isto.

Vidjevši Bashir Alazadi, 16-godišnju pokrivenu muslimanku, u kampu za stipendiste u Washingtonu 2007. godine, 17-godišnjak katolik htio je doznati nešto više o njenim uvjerenjima.

Rođena u Iraku, Alazadi doselila sa svojom porodicom u Everettu u dobi od četiri godine. Naučena je na pitanja o islamu, pogotovo nakon događaja 11. septembra.

– On je upitao zašto nosim mahram, – kaže Alazadi. – Htio je vidjeti moju kosu.

Naravno, odgovor na Sandovalova pitanja uvijek je bio – Ne.

U nekom trenutku, Sandoval se odlučio dokazati joj da joj je ispran mozak.

– U početku sam mrzio islam. Pokušao sam je uvjeriti da su joj isprali mozak, da joj je religija represivna, – kaže on. – Kupio sam Kur'an kako bih ga pročitao i dotukao je s pitanjima. – To sam više čitao, više sam naučio, i to sam više počeo cijeniti Islam.

Odnos koji je započeo kao izazov promijenio je Sandovalov život.

– Bashir je bila pametnija od mene. Više se asimilirala u ovoj zemlji nego ja, – rekao je.

Odrastao sam kao Meksikanac, a to je stigma. Ona je odrasla kao muslimanka, a to je stigma za nju, također.

Zaljubivši se, Sandoval i Alazadi upitali su njenog oca za dozvolu za brak 29. avgusta 2009.

– Prihvatio sam islam prije vjenčanja. Nisam to učinio samo da oženim Bashir. Bio je to zadnji korak u mom istraživanju Islama, – rekao je.

– To je pravi put za mene.

Pronašavši Islam sa suprugom, Sandoval sada – e – brani Islam od nje.

– Ako neko kaže nešto – to nije istina o Islamu, ja ga ignoriram. Ali Carlos ne odustaje, – kaže Alazadi.

Odrasla sam kao muslimanka, ali on o Islamu više zna.

Otac ga nije volio kada ga je upoznao, ali sada ga tretira kao sina. Ponosni smo i na to kako su naši roditelji prihvatili našu odluku, – kazala je Alazadi. Sandoval dodaje i da je Alazadi impresionirala njegove roditelje pri prvom susretu.

U SAD, prema procjenama, živi oko 6 do 8 miliona muslimana. Prema studiji Pew foruma iz 2011. godine, oko 20 posto američkih muslimana su konvertiti, 54 posto muškaraca i 46 posto žena. Gallupovo istraživanje je ranije utvrdilo da je većina američkih muslimana lojalna svojoj zemlji i optimistična u pogledu svoje budućnosti u SAD.

(Vakat.ba)